


Kalaallit Nunaanni pisuussutit umaatsut

*Kapitalimi matumani nunap sannaa aatsitassanik uuliamillu
ujaasinermi aallaaviusooq naatsumik oqaluttuarineqarpoq.
Tassani oqaluttuarineqarpoq aatsitassat uuliallu qanoq
ujarneqartartut qallorneqartartullu, aamma ujaasinerit
qalluinerillu sooq ajornakusoortarnerat nassuiarneqarpoq.*

Ivittuuni orsugiassiorfik
piiaanerup kingorna. Piiiaaffik
sissap killinganiippoq
imermillu ulikkaarluni.
Assiliisoq: ilisimaneqanngilaq.

Aatsitassaq– orsugiak.
Assiliisoq: David Boertmann.



Uulia qaarsumi. Nuussuarmi basaltip suluaraani uulia.
Assiliisoq: David Boertmann.



Imai


Paasissutissat makku piginneqqaartussaaniikkut illersugaapput ingerlateqqassanatillu

Inuusugut pisuussutit pinngortitamit pissarsiaralugit inuttut inuiaqatigiittullu atajumalluta atorluartarpavut. Pisuussutit tamakku inuussutissaapput, atortussiassaallutik, ikummatissaallutik il.il.. Tamakku tassaasinnaapput aatsitassat, soorlu saviminissaq, sioqqat pinnersaasiassallu, ikummatissiassat, soorlu uulia, gassi aamarsuillu, aammalu uumassuillit soorlu karrit, qisuut, aalisakkat, nersutit il.il. Matumanili aatsitassat uulialu kisimik eqqartorneqassapput.

Kalaallit Nunaata annersaa sermersuarmit qallerneqarsimavoq. Sermip immallu akornat taanikitsumik nunaqarpoq, tassani ipput qaqqat, narsartat, illoqarfiit nunaqarfillu (assiliartaliussa. 1.1). Sermitaqanngitsoq qaqtutigit 200 kilometerinit atitunerusarpoq, sermitaqanngitsorli 410.000 km² tikillugit angissuseqarpoq, tassa Danmarkip nunataata quleriaatingajaanik angissuseqarluni. Nuna assigiinneqisunik sannaqarpoq aatsitassarpassuaqarluni, sulilu amerlanerit piffinni misissuiffigilluarneqanngitsuni issasut naatsorsuutigisariaqarpoq.

Kalaallit Nunaata annersaa qaarsuuvoq pisoqarsuaq (Prækambrium*). Qaarsoq tamatigit tamaani innermik anitsinerup ujaraanik nunngaruitaqanngikkuni qallersimasarpoq, ilarujussualu kinnganikunik ujarannortunik* qallersimasarluni. Qaffakarfiit* soqutiginaateqarluartarput tassa ujaqqat aassimasut qaarsup quppaasigut qangattaasigullu qaffakarsimasut. Taakku soqutiginarunik qaqtigoortunillu annertuumik aatsitassartaqarsinnaapput.


Kalaallit Nunaanni Ujarassiuutut Misissuisoqarfiup (GGU) taartaatalu Danmarkimi Kalaallillu Nunaanni Ujarassiuutut Misissuisoqarfiup (GEUS), tamatumalu siornagut ujarassiuut ilisimaneqartut soorlu Lauge Kochitut ittu peqqissaarlutik nunap sannaanik misissuilluartarsimanerat pissutigalugu Kalaallit Nunaanni nunap sananeqaataa misissorluagaavoq. Suliat tamakku ilaatigut Kalaallit Nunaata tamarmi sananeqaataata, nunap pissusiata akuisalu assiliorneqarneranik kinguneqarsimapput, taakkulu nunami aatsitassaqarneranik misissuisarnerni toqqammavigineqartarput (http://www.geus.dk/program-areas/raw-materials-greenland-map/greenland/gr-map/kost_1-uk.htm) (Assiliartaliussa 1.2).



Assiliartaliussa 1.1. Kalaallit Nunaata assinga, nunat aqqi taaneqarput. Aatsitassarsiorfiit pingaarnerit aammalu uuliaqarneranik misissueqqissaarluni qilleriviusimasut takutinneqarput.

Imai

Paasissutissat makku piginneqqaartussaannikkut illersugaapput ingerlateqqassanatillu



Assiliartaliussaq 1.2. Kalaallit Nunaata sananeqaataata assinga. Tassani takutinneqarput aatsitassaqaarfiit pingaarnerit. Najoqqutaq: 2014-imi GEUS-mit suliarineqartoq nalunaarusiamut 'Kalaallit Nunaannut iluaqutissatut' atugassatut.

Nunali kisimi pisuussutinik uumaatsunik misissuiffigineqarneq ajorpoq; tassami nunavik immap naqqatigut avammut ataneqarpoq* km-inik hunnorujunik arlalinnik atitussuseqarsinnaasumik. Nunap imaanut atanera qasseerpassuartigut kinnganik qaleriaarfigisimasarpaat, taakkulu uuliaqarlutillu gasseqarsinnaapput.

Aatsitassat


Kalaallit Nunaanni qassiinik aatsitassaqaarpoq aatsitassanik tunisassiorturnut soqutiginaateqartunik. Taakku assersuutigalugu tassaapput saffugassakkut soorlu kuulti, platin, kanngussak, zink, nikkel, molybdæn kiisalu savimineq aammalu pinnerasaassakkut soorlu diamant aammalu rubin. Aatsitassattaq suliffissuarni sulinermi atorneqartartut* nassaasapput soorlu olivin, anorthosit* kiisalu aqerluusassaq grafit. Aatsitassaqaarfiit ilaat annertoorujussuupput; assersuutigalugit taaneqarsinnaapput Nuup avannaani saviminissaqaarfik kiisalu Kalaalli Nunaata avannarpiaani zinkeqarfik. Saffugassat qaqutigooortut assorsuaq eqqartugaasut, tuluttut REE (Rare Earth Elements)-inik taaneqakkajuttut, elektronikkiniq tunisassiornermi atorneqaqaat, aamma annertuullutik naammattuugassaasaramik aningaasarsiuutissatut soqutiginaateqarput.

Tamatumani puigorneqassanngilaq Kalaalli Nunaanni sanaartornermi atugassanik ujaqqanik ujaqquarivinniit piiasoqartarmat, tuapattartoqartarluni immallu naqqaniit sioqqanik milluaasoqartarluni, taakkulu aatsitassanik aamma atorluuanertut taasariaqarput naak annertoorsuunngikkaluartik piffinnilu ataasiakkaaginnarni pisaraluarlutik.

Aamma immap naqqaniit aatsitassanik qalluisoqarsinnaavoq. Aatsitassarsioqatigiiffik maanna Avannaata sineriaani immami ikkattumi (30 meterit inorlugit itissusilimmi) sioqqanik oqimaatsunik* peqarfimmi misissueqqissaarpoq.

Imai

Paasissutissat makku piginneqqaartussaannikkut illersugaapput ingerlateqqassanatillu



Assiliartaliussaq 1.3. 2009-imi Issittumi, aamma Kalaallit Nunaanni, uuliaqarfiusinnaasut annertussusii amerikamiut ujarassiuunit naliliivigineqarput. Naliliinerup inerneru nunap assingani tassani takutinneqarput, qalipaattillu qanoq peqartigineranik takutitsisuullutik. Pingaartumik Kitaani aammalu Tunup avannaani assorsuaq peqartutut naliliisoqarsimanera takuneqarsinnaavoq. Uttuutigineqartut tassaapput nappartat, nappartarlun 159 literiuvoq imaluunniit 0,159 m³. Najoqqutaq: Gautier et al. 2009. 'Assessment of Undiscovered Oil and Gas in the Arctic'. Science 324, 1175. AAAS akuersisillugu saqqummiunneqartoq.

Uulia gassilu

Uulia gassilu qaarsuni kinnganikoqarfinni uumassuillit sananeqaataasa ukiuni millionerpassuarni qaleriaarfigisimasaanni pinngortarput. Uulia gassilu pinngorfimminniit amerlasuutigut ingerlaarsimasarput, iluaqutigineqarsinnaassagunillu qaarsumi seeriffissaanngitsumi katersuussimasariaqarlutik. Nunap sananeqaataa uuliap pinngorfigalugulu katersuuffigisinnaasaa piffinni annertooujussuarni naammattuugassatut isikkoqarpoq, pingaartumik Kalaallit Nunaata imartaani nunatavimmut atasortaani. Amerikamiut ilisimatuu Kalaallit Nunaata imartaani sumi annertoorsuarnik uuliaqarfeqarsinnaanera eqqoriarsimavaat (Assiliartaliussaq 1.3).

Kalaallit Nunaanni pisuussutinik uumaatsunik iluaquteqarniarluni maannamut ingerlataasut

Aatsitassat

Kalaallit Nunaanni isumalluarnaatilinnik aatsitassaqaqaraluartoq aatsitassarsiorfviit ingerlasimasut maannamut arlaqanngitsuinnanngupput. 1800-ikkunni aatsitassarsiorfiit assigiinngisut annikitsut sivikitsuinnarmillu paaaffigineqartut pilersinneqartarsimapput, aamarsuarmik, kanngussammik aqerluusassamillu paaaffiusimallutik. Kalaallit Nunaanni aatsitassarsiorfiit maannamut siviunerpaamik ingerlasimasortaat tassaavoq Ivittuuni orsugiassiorfik. Taanna 1854-imi pilersinneqarpoq ukiuni 133-imi ingerlasimalluni. Orsugiak aatsitassaavoq qaqqortoq sananeqaataalu tassaalluni Na3AlF6. Siusinnerusukkut aluminiuliornermi atorineqartarpoq, Sorsuunnersuillu Aappaata nalaani USA-mi timmisartuliornermi Kalaallit Nunaanni orsugiak assorujussuaq pingaaruteqarpoq.

Imai

Paasissutissat makku piginneqqaartussaannikkut illersugaapput ingerlateqqassanattillu

Ujarassiuutut taaguutit

Ujaqqat: Ujarak aatsitassamik ataasiusumik assigiinngitsunilluunniik arlalinnik akulik. Ujaqqat suikkaasinnaapput agguluttuusinnaallutilluunniit. Assersuutigalugu granit ujaraavoq suikkaasoq angikuluttunik immikkoortulik, taakku aatsitassamik assigiinngitsunik sananeqaateqarput, soorlu kvarts, qillaalasut assigiinngitsut aammalu feldspatit assigiinngitsut.

Qaarsoqqik: Nunarsuup qalipaata ilaa kinnganikut ataanniitq. Qaarsoqqik qasseerpassuartigut qaqqat sananeqataannik soorlu gnejsimik imaluunniit granitimik sananeqaateqartarpoq. Qaarsoqqik piffissap Prækambriumimik taaneqartarput nalaaneersuukkajuppoq, tassa ukiunit 540 millionit pisoqaanerulluni, kisiannili nutaanerussaalluni.

Aatsitassat suliffissuarni atorneqartartut: Ujaqqat, aatsitassat imaluunniit suut sananeqaatit pinngortitamiittut aningaasatigut nalillit, aammalu akuiartariaqanngitsut.

Nunamerngit: Aggualasut suli tiggusimalersimangitsut.

Akuiagassaq: Qaqqat sananeqaataat, pinngoqaatit (pingaartumik saffiugassat) ataasiusutt arlallilluunniit imaluunniit aatsitassat piiaarneqarfigisinnaasaat.

Aatsitassat: Ilisimatuussusermiit isigalugit tassaapput suut manngersut aalajangersimaqqissaartumik akoqartut, aammalu akui krystalit aqqissoqqissaagaasut. Taamaattorli opal aammalu kutsuk kiisalu kviksølv saffiugassatut pissusilik aatsitassatut isigineqakkajupput.

Ujaqqat kinnganikunik pinnguutillit: Tassaapput suut kinnganikuaqqat kattussuussimasut, tassaasinnaapput ujaqqat sequunneri (marrarmik sillisissamilluunniit pinngortut), sunik uumassusilinnik pinngortut (kalk, qequk allaatissaq), kiisalu imermi suut sananeqaatit kattuttut (tarajuusat ujaranngorerit imaluunniit innermik anitsinermiit pinngortut (anngaq). Kinnganerit imermit, anorimit sermimillu angallanneqarlutillu unerartinneqartarput.

Najoqqaat: Den Store Danske Encyklopædi, denstoredanske.dk

1900-ikkunni aammaarluni anginngitsunik piiaaffiliortoqarpoq kanngussamik, aqerlusaamik marmorimillu piiaaffiusunik. Taakkuttaaq sivikitsuinnarmik piusarput, kisiannili Qeqertarsuup ilaani Qullissani aamarsuorsiorfik 1924-imiit 1971-mut ingerlavoq, Tunumi Mestersvigimi aqerlorsiorfik 1952-imiit 1963-mut ingerlavoq. Maarmorilimmi aqerlumik zinkimillu piiaavik 1973-imiit 1990-imut ingerlavoq. Akuiagassamik akilersinnaasumik qallorneqarsinnaasutut ilimagineqartumik suli peqarnera pissutigalugu ammaqqinniarneqartaraluarpoq.

2005-imi olivinimik piiaavik Atammuiup eqqaani Nuummiit 75 km-inik avannarpassisulimmi Seqimi pilersinneqarpoq, taannali ukiuni sisamaanarni ingerlavoq. Aatsitassarsiorfiit piaaffigineqartut kingullersaat tassaavoq kuultisiorfik Nalunaq Nanortallup eqqaaniittoq. 2013-imi ukiuni qulingiluani ingerlareersimalluni matuvoq, ammaqqinneqarnissaali soqutigineqarpoq.

2017-imi apriliip ulluisa aallaqqaataani piiaanissamut akuersissutit arfineq marluupput, taakkunannga pingasut kisimik suli suliffigineqarput: tassaapput Tunup avannaarsuani zinkeqarferujussuaq, Nuup Kujataani Qeqertarsuatsiaat eqqaanni Aappaluttumi rubineqarfik aammalu Sisimiut eqqaanni Naajani anorthositheqarfik*. Akuersissuteqarfiit allat utertinneqalerput, imaluunniit ingerlatseqatigiiffiit silarsuarmi akit pitsaanerulernissaannut utaqqillutik. Rubinisiorfik 2017-imi piiaalluni aallartippoq, aamma anorthositheqarfik taama pissasoq naatsorsuutigineqarpoq.

Imai

Paasisutissat makku piginneqqaartussaannikut illersugaapput ingerlateqqassanatillu

Uulia

1969-imili Kalaallit Nunaanni uuliamik ujaasisoqalerpoq. Misissueqqissaarluni qillerinerit siulliit tallimat 1976 1977-imilu Kitaata avataani Davis Strædemi ingerlanneqarput. Misissuinerit naatsorsuutigineqaraluartut inerneqanngimmata sukumiinerusumik misissueqqissaarnissamik kinguneqanngillat.

1984-1990-imi Tunumi Jameson Landimi annertuumik sajuppillatsitsisarluni misissuisoqarpoq. Tamaani nunap sananeqaataa Norgep avataani immap naqqata sananeqaataa assigaa, tappavanilu assorsuaq uuliaqarlunilu gasseqarpoq, piffillumi taakku marluk qarsoqqiit aallaavii ukiut 145 millionit matuma siorna pinngoqqaarmata ataqatigiikkalarput. Piffiit taakku assigiisuteqaraluartut ingerlatseqatigiiffiit misissueqqissaarfusumik qillergatik taamaatsiinarput. Piffilli tamanna suli soqutiginaateqarpoq, 2015-imilu tamaani misissueqqissaarnissamut akuersissutit marluk tunniunneqarlutik.

1989-imi Naalackersuisut kiisalu danskit naalagaaffiat ataatsimoorussaminnik periuseqalerput ingerlatseqatigiiffiit misissueqqissaarnissamut soqutiginninnerulerlutillu ilungersuussinerulernissaat siunertaralugu. Tamanna Qeqertarsuup tunuata avannannguani imaani sajuppillatsitsisarluni misissuinerit kiisalu nunami misissueqqissaarnermik annertuumik nassataqarpoq. Nuussuarmi, Siggummi aammalu Qeqertarsuarmi uuliap seeriffiinik qassiniik nassartaqarpoq. Tamannalu 1996-imi Nuussuarmi misissueqqissaarluni qillerinivimmik nassataqarpoq. Nuna gasseqarlunilu uuliaqarneranik takussutissaqarpoq, atorsinnaasumilli annertussuseqanngillat, ingerlatseqatigiiffillu annerusumik aningaasaliisusaqannginnami misissueqqissaarnerigaluaminik unitsitsiinnarpoq.

Qillerinivik tulleg 2000-imi Nuup avataani immami 1.100 meterinik ittissulimmi ingerlanneqarpoq. Taannattaq pakatsiffiuvoq. Tamatuma kingorna annertuumik sajuppillatsitsisarluni misissuinerit annertuut ingerlanneqarnerat neqerooruteqartitsinerit qassiniik* kinguneqarpoq, tamatumani piffiit erseqqissumik killilikkat uuliasiortitseqatigiiffinnut soqutiginnittunut misissuiffigeriaannanngortinneqarput.

2010-imi 2011-imilu skottet suliffeqarfiat katillugit arfineq-pingasoriartarluni kitaani Nuup Qeqertarsuullu avataanni neqerooruteqartitsivinni (Assiliartaliussa q 1.4) misissueqqissaarluni qillisarpoq; qillerinerillu tamarmik inernerit sukumiinerusumik misissueqqissaarnissamik kinguneqanngillat.


Neqerooruteqartitsineq kingulleq 2013-imi pivoq, taamanilu Tunup avannaata imartaani neqerooruteqartitsiviit killilikkat 19-it immikkoortuni marlunni neqeroorutigineqarput. Ingerlatseqatigiiffiit suleqatigiikkuutaat pingasuit neqerooruteqartitsivinnik killikkanik tallimanik atugassinneqarput (takuuk Assiliartaliussa q 1.4). 2014-imi upernaakkut Kalaallit Nunaata imartaani misissueqqissaarfissat 22-it suli atuupput. Uuliali akikilliarthonerata malitsigisaanik Kalaallit Nunaanni uuliamik ujaasineq 2015-imi soqutigineeruppoq. Ingerlatseqatigiiffiit Kitaata imartaani akuersissutaatillit utertitsinissaminnik piareersalerput.

2018-imi januaarip aallaqaataani akuersissutit kingulliit qulingiluut utertinneqarnerat sularineqarpoq, Tunulli avannaani akuersissutit tallimat suli suliaqarfiullutik.


Piffissalli tamatuma nalaani Tunumi Jameson Landimi nunami uuliamik ujaasivinni marlunni akuersissutit tunniussisoqarpoq. Qeqertarsuarmi Nuussuarmilu piffiit pingasut 2016-ip naanerani iluatsitsivunngitsumik neqeroorutigineqaraluarput.

Imai

Paasissutissat makku piginneqqaartussaannikkut illersugaapput ingerlateqqassanatiluu




Assiliartaliussa q 1.4. Nunap assingani takutinneqarpoq 2012-imi uuliaqarneranik misissuinerit peruttulermata akuersissuteqarfiit



Paasissutissiivik 2-mi takuneqarsinnaapput Kalaallit Nunaanni aatsitassanik piaaansamut akuersissutit kiisalu uuliaqarneranik misissueqqissaarnissamik qalluinissamillu akuersissutit 2018-imi februarip ulluisa 16-ianni atuuttut pillugit takussutissiaq.

Sooq taama ajornakusoortigiva?

Misissueqqissaarnerpassuit ukiut ingerlaneranni ingerlanneqartarsimapput, ullumikkullu qasseerpassuit ingerlanneqarlutik (Assiliartaliussaq 1.5), assortugassaannngitsumillu tupigusuutigineqarsinnaavoq Kalaallit Nunaanni misissueqqissaarnerit ilaannannguisa aatsitassarsiorfimmik imaluunniit uuliasiorfimmik sanaartortoqalerneranik kinguneqartarnerat. Eqqarsaqqajaanartarpoq issittup peqqarniissusia attaveqaatillu pitsaanngissusiat pissutaanngitsoorsimassanngitsut. Tamatumuunakkulli Kalaallit Nunaat nunarsuarmi piffippassuarnit allaanerussuteqanngilaq, amerlanerpassuartigulli pisuussutit uumaatsut pineqartut silarsuarmi akii apeqqutaanerpaasarput. Misissueqqissaarneq aallartikkaangat pisuussut ujagaq qanoq annertutiginersoq ilisimaneqarneq ajorpoq, aammalu uuliaqarneranik misissueqqissaarnermi peqarfusinnaasutut ilimagineqartumi qillerilersinnani ilisimaneqarneq ajorpoq ilumut uuliaqarnerasoq. Aatsitassarsiorfimmik uuliasiorfimmilluunniit pilersitsineq milliarderpassuarnik akeqartarmat ingerlatseqatigiiffiit qularnaarniartariaqartarpaat qallorniagaq ilumut iluanaarutigineqarnissamut naammattumik annertussuseqarlunilu akugissuseqarnerasoq, taamaammallu silarsuarmi akit assorsuaq apeqqutaasarput. Amerlanertigut ingerlatseqatigiiffiit Kalaallit Nunaanni aatsitassanik ujaasisut anginngitsunnguusarput sapiiserlutik aningaasanik misissueqqaarnermut atuisut, taavalu qalluinerit aallaqqaammut aningaasarpasuarnik



Assiliartaliussaq 1.5. Kalaallit Nunaanni aatsitassat eqqarsaatigalugit akuersissutit assigiinngitsut amerlassusiisa allanngornerat. Annikitsumik aatsitassarsiornermut akuersissutit 2009-imi atorineqarput, inunnillu Kalaallit Nunaanni najugaqartunit qinnutigineqarsinnaallutik. Tassanissaaq takutinneqarput aningaasartuutit ingerlatseqatigiiffinnit Kalaallit Nunaanni misissueqqissaarsimasunit atorineqarsimasut. Najooqutaq: Naatsorsueqqissaartarfik.

Imai

Paasissutissat makku piginneqqaartussaannikkut illersugaapput ingerlateqqassanatillu

qanoq amerlatigisimanersut. Aappalaartut utertitaapput utertinniarneqarlutilluunniit, qernertut suli ingerlapput.

16. februar 2018-imi Kalaallit Nunaanni uuliamik misissueqqissaarnissamut qalluinissamullu akuersissutit kiisalu aasitassanik piaanissamut akuersissutit.

Ateq	Nr.	Ingerlatseqatigiiffiit	Killiffik	Pisuussut
Atammik	2002/15	Capricorn Greenland Exploration A/S og Nunaoil A/S	Uterinneqalerpoq	Uulia
Lady Franklin	2005/06	Capricorn Greenland Exploration A/S og Nunaoil A/S	Uterinneqalerpoq	Uulia
Eqqua	2008/11	Capricorn Greenland Exploration A/S og Nunaoil A/S	Uterinneqalerpoq	Uulia
Naterneq	2008/17	PA Resources AB og Nunaoil A/S	Uterinneqalerpoq	Uulia
Qamut	2011/11	ConocoPhillips Global NVE Greenland Ltd. og Nunaoil A/S	Uterinneqalerpoq	Uulia
Anu	2011/12	Shell Greenland A/S og Nunaoil A/S	Uterinneqalerpoq	Uulia
Pitu	2011/13	Capricorn Greenland Exploration A/S og Nunaoil A/S	Uterinneqalerpoq	Uulia
Napu	2011/14	Shell Greenland A/S og Nunaoil A/S	Uterinneqalerpoq	Uulia
Tooq	2011/15	Maersk Oil Kalaallit Nunaat A/S, Tullow Greenland Exploration Ltd. og Nunaoil A/S	Misissueqqissaartoqarpoq	Uulia
Amaroq	2013/40	ENI Denmark BV, BP Exploration Operating Company Ltd., DONG E&P Grønland A/S og Nunaoil A/S	Misissueqqissaartoqarpoq	Uulia
Avinngaq	2013/41	Statoil Greenland A/S og Nunaoil A/S	Misissueqqissaartoqarpoq	Uulia
Umimmak	2013/45	Chevron East Greenland Exploration A/S, Greenland Petroleum Exploration Co. Ltd., Shell Greenland A/S og Nunaoil A/S	Misissueqqissaartoqarpoq	Uulia
Nerleq	2013/46	Chevron East Greenland Exploration A/S, Greenland Petroleum Exploration Co. Ltd., Shell Greenland A/S og Nunaoil A/S	Misissueqqissaartoqarpoq	Uulia
Qialivaq	2014/14	ENI Denmark BV, BP Exploration Operating Company Ltd. og Nunaoil A/S.	Misissueqqissaartoqarpoq	Uulia
Jameson Land	2015/13	Greenland Gas and Oil A/S og Nunaoil A/S		Uulia
Jameson Land	2015/14	Greenland Gas and Oil A/S og Nunaoil A/S		Uulia
Napasorsuaq	2003/05	Nalunaq A/S	Matunerata kingorna misissueqqissaartoqalerpoq	Kuulti
Maarmorilik	2008/29	Black Angel Mining A/S	Matunerata kingorna misissueqqissaartoqalerpoq	Zinki aqerlorlu
Malmberget	2008/40	Malmberget Molybdenum A/S	Susoqanngilaq	Molybdæn
Isukasia ('Isua')	2013/31	London Mining Greenland A/S	Susoqanngilaq	Savimmineq
Aappaluttoq	2014/21	Greenland Ruby A/S	Aatsitassarsiorfik 2017-mi ammarpoq	Rubiner
Naajat	2015/39	Hudson Greenland A/S	Aatsitassarsiorfik 2018-mi ammarpoq	Anorthosit
Taserneq (Citronen Fjord)	2016/30	Ironbark A/S	Aningaasaliisussarsiorpoq	Zinki aqerlorlu

atuiffiusariaqartartut ingerlatseqatigiiffinnit annerusunit siunissaq ungasinnerusooq isigalugu niuerneramik aningaasaliinernillu nalilersuisinnaassusilinnit tiguneqartarlutik.

Apeqqutaasooq annertoq alla tassaavoq aatsitassarsiorfimmik uuliasiorfimmilluunniit ingerlatsiniaraanni nukissap annertoorujussuup atorpeqartarnera aammalu nioqqutissiat tunitsivissaannut apuunniallugit assartuinerup avaqqunneqarsinnaanerata ajornera. Taamaammat orsussamut aningaasartuutit amerlasaqaat, tamatumaniissaq silarsuarmi akit assorsuaq sunniuteqartarput. Kalaallit Nunaanni erngup nukinga periarfissaalluarmat nukissiornermi atorpeqarsinnaavoq, erngulli nukissiorfiliorneq akisoqimmat suli maannamut taamaaliortoqarsimangilaq.

Ungasinnerusooq isigalugu niuerneramik ingerlatseqatigiiffiit naliliinerigaluisa uniuunnerat pissutigalugu sivisuumik misissueqqissaartoqareeraluortoq aatsitassarsiorfiliniarluni pilersaarutit annertuut Kalaallit Nunaanni unitsikkallarnejartarnerat naammattuugassaasarpoq.

Ukiuni kingullerni Kalaallit Nunaanni pisuussutinik ujarlerneq annikinnerulersimavoq nunarsuarmi aningaasarsiornikkut pissutsinik annerusumik pissuteqartumik. Assersuutigalugu

misissueqqissaarnissamik akuersissutit amerlassusii aammalu aningaasat ingerlatseqatigiiffiit aatsitassanik misissueqqissaarnermut atugaasa amerlassusii 2013-imi aammalu 2011-imi appariarsimasut tamatumunnga takussutissaapput (takuuk Assiliartaliussa 1.5). Kuultisiorfik Nalunaq 2013-imi matuvoq, Nuup kangerluani savimimissarsiorfiliariniagarsuaq ingerlatseqatigiiffiup aningaasatigut ajornartorsiulerneranik pissuteqartumik unitoorpoq, uuliallu akia apparmat piffiit siornatigut misissuiffigineqarsimangitsut* Kalaallit Nunaakkutut ittut misissuiffigineqarnissaat aatsitassarsioqatigiiffinniit kajungerineqarunnaarpoq. Akuersissutit qassiit utertinneqalerput, assersuutigalugulu aamma 2011-ip kingorna uuliaqarneranik misissueqqissaarluni qillersiqarsimangilaq. Ungasinnerusooq isigalugu anguniakkat Naalakkersuisut aatsitassanut periusissiatigut (2014-2019) anguniagassiarineqartut (tassa sisamanik-tallimanik aatsitassarsiorfeqalernissaa minnerpaamillu ataatsimik uuliasiorfeqalernissaa), anguneqarnissaat ilimanangilaq, tamannalu nalunaarusiami 'Kalaallit Nunaannut iluaqutissat'-mi 2014-imi tikkuarneqareerpoq.

Assiliartaliussa 1.6. Ulannerusaaq meqqulik Kalaallit Nunaata naasuisa alutornarnerit ilagaat. Assiliisoq: David Boertmann.

